

JAMHURI YA MUUNGANO WA TANZANIA
OFISI YA WAZIRI MKUU
TAWALA ZA MIKOA NA SERIKALI ZA MITAA



SHULE YA SEKONDARI LONGIDO

S.L.P. 8530, NAMANGA-ARUSHA. SIMU Na. 027-2539218: E-Mail: longido.secondary@yahoo.co.uk

Kumb.Na. LSS/ADSEC.....

Ndugu Mzazi/Mlezi wa:

.....

Tarehe: 06/12/2022

**YAH: MAAGIZO YA KUJIUNGA NA SHULE YA SEKONDARI LONGIDO WILAYA YA LONGIDO
MKOA WA ARUSHA MWAKA 2023**

1. UTANGULIZI

Ninafurahi kukuarifu kwamba mwanao amechaguliwa kujiunga na kidato cha kwanza katika shule hii mwaka 2023. Shule ya Sekondari Longido ipo umbali wa Kilometa 79 kutoka Arusha Mjini. Usafiri wa kutoka Arusha mjini hadi Longido ni Hiace na Noah kwa nauli ya shilingi 7,000/=. Ukifika kituo kikuu cha mabasi Arusha, panda gari (Hiace/Noah) la Namanga au Longido mwambie dereva akushushe stendi Longido. Kutoka hapo stendi Longido shule ipo umbali wa kilometa 1. Hivyo unaweza kutumia usafiri wa Tax au pikipiki ili kufika shuleni (Tax 3,000/=, na pikipiki 1,000/=)

Muhula wa kuanza masomo utaanza tarehe 09/01/2023 unatakiwa kuripoti shuleni tarehe hiyo bila kukosa. Masomo yataanza tarehe 10/01/2023

NB: Mwanafunzi anatakiwa kuripoti siku za kazi **JUMATATU – IJUMAA** kuanzia SAA 2:00 ASUBUHI HADI SAA 9:30 ALASIRI.

2. SARE ZA SHULE

Uvaaji wa sare ya shule ni lazima kwa kila mwanafunzi, hivyo mwanao aje na sare ya shule kama ifuatavyo:

WAVULANA.

- i) Shati 2 nyeupe za mikono mifupi za aina ya tetroni na siyo mitumba.
- ii) Suruali 2 rangi ya kaki, siyo mitumba, ziwe ndefu na zisizobana, ziwe na selebresheni (marinda) zenye mifuko ya pembeni kwa mshono wa “V” na mfuko wa nyuma mmoja. (Suruali na mkanda mweusi wa ngozi, suruali zinazobana ‘model’ haziruhusiwi kabisa).
- iii) Viatu vyeusi vya ngozi jozi 2, viwe vya kufunga kwa kamba/gidamu, visivyo na kelele na visiwe vizito wala virefu kwa mbele.
- iv) Soksi nyeusi jozi 4.
- v) Nguo za michezo: Raba, bukta ya rangi nyekundu na t-sheti ya nyekundu sio mtumba LAZIMA.
- vi) Suruali 2 za rangi ya kijani kwa ajili ya kushindia mara baada ya masomo kwa kuwa nguo za nyumbani haziruhusiwi.
- vii) Fagio 2 za chelewa na fagio 1 wa kukaushia maji (skwiza).
- viii) Sweta rangi **njano nyeusi** na tai yenye mistari rangi nyeusi na nyeupe. (zinapatikana shuleni kwa Tshs. 20,000/=)
- ix) Taulo 1 ya kuogea.

WASICHANA

- i) Sketi 2 za kijani nyeusi, ziwe nzito na zenye marinda mengi, ziwe ndefu zinazofunika soksi.
- ii) Shati 2 nyeupe za mikono mifupi.
- iii) Viatu vyeusi vya ngozi jozi 2, vya kufunga kwa kamba/gidamu (siyo simple shoes), visivyo na kelele na visiwe vizito wala virefu kwa mbele.

- iv) Soksi ndefu nyeupe jozi 4
- v) Nguo za michezo: Raba, bukta rangi nyekundu na T-sheti rangi nyekundu LAZIMA.
- vi) Gauni 2 za rangi ya kijani nyeusi zenye mikono mifupi na zenye makunjo/marinda, kwa ajili ya kushindia mara baada ya masomo kwa kuwa nguo za nyumbani haziruhusiwi.
- vii) Fagio 2 za chelewa na ufagio laini 1 (kwa ajili ya kufagisha sakafu (soft broom).
- viii) Kwa Waislamu, mfano wa Hijab iliyochaguliwa kutumika kwa wanafunzi wa kike imeambatanishwa (nyeusi na nyeupe tu isiyokuwa na urembo).
- viii) Sweta rangi **njano nyeusi** na tai yenye mistari rangi kijani na nyeupe. (zinapatikana shuleni - kwa Tshs. 20,000)
- ix) Taulo 1 ya kuogea na kanga jozi 1.



MUHIMU: 1. Mwanafunzi mwenye mahitaji maalum ya ngozi anunuliwe kofia ya kumkinga jua rangi ya kaki
2. Wanafunzi wa kike hawaruhusiwi kusuka nywele.

LAZIMA KWA WOTE

Mwanao aje na yafuatayo:-

1. Vyombo vya chakula, bakuli, kijiko, kikombe na sahani visiwe vya plastiki.
2. Bunda moja la karatasi zisizo na mistari (A4 Ream paper) kwa ajili ya mazoezi na mitihani ya mara kwa mara.
3. Ndoo ya plastiki kwa ajili ya kuchotea maji.
4. Vifaa vya darasani kama: madaftari yasiyopungua 12 makubwa (Counter books), kalamu za wino bluu au nyeusi, penseli na rula za kutosha, Mathematical set na kamusi ya kiingereza.
5. Godoro lenye ujazo sahihi na lenye upana na urefu wa 2½ X 4, lenye foronya ngumu (Tanform, Best, comfy au Dodoma).
NB: Zingatia vipimo vya godoro na aina kulingana na ukubwa wa vitanda vilivyopo ukija na vipimo tofauti na lisilo na foronya gumu halitapokelewa. (godoro zinapatikana shuleni kwa Tshs. 50,000/=)
6. Fomu Maalum ya kuthibitisha Afya yake (medical form) ambayo imeambatanishwa katika fomu hii, fomu hiyo ijazwe na daktari na iwasilishwe shuleni pindi atakapowasili.
7. Blanketi nzito rangi yoyote kwa ajili ya kujikinga wakati wa baridi na mashuka mawili ya rangi ya **pink**.
8. Sweta ya rangi ya ugoro (brown) kwa ajili ya kushindia baada ya vipindi darasani (linapatikana shuleni kwa Tshs. 15,000)
9. T-sheti za bluu masai nzito mbili zisizo na maandishi yoyote kwa ajili ya kushindia baada ya vipindi darasani.
10. T-sheti yenye nembo ya shule kwa ajili ya kuvaliwa darasani Jumatano na Ijumaa (linapatikana shuleni kwa Tshs. 12,000)
11. Sanduku gumu la bati na kufuli kwa ajili ya kuhifadhia vitu vyake kwa usalama.
12. Sabuni za kufulia, kuogea, mafuta ya kujipaka, mswaki dawa ya meno na toilet paper za kutosha.
13. Track-suit rangi nyekundu kwa ajili ya somo la elimu ya viungo na michezo (ambayo inapatikana shuleni Tshs. 25,000/=)
14. Saa ya mkononi na tochi isiyotumia umeme.
15. Faili la kuwekea kumbukumbu za mitihani ya ndani.
16. Tafadhali mzazi mnunulie mwanao vitabu vya masomo yote.
17. Nguo zote za mwanafunzi ziwekwe alama ili kuepuka kuibiana (Alama isiwe kubwa)
18. Mtoto mwenye matatizo ya kudumu ya kiafya mzazi alete barua au taarifa yoyote ya maandishi kutoka kwa daktari (tofauti na maelezo ya medical form)
19. Aje na vitabu vya dini kulingana na Imani yake.

NB: Ni marufuku mwanafunzi kufika shuleni na vitu vifuatavyo:-

1. Nguo za nyumbani au kofia aina yoyote.
2. Vyakula vya aina yoyote mfano mkate, pipi, biskuti, sukari n.k
3. Vipodozi vya aina yoyote kama vile perfume, wanja, lipbam, rangi za kucha n.k
4. Redio, simu za mkononi, kamera n.k atakayebainika na vifaa hivi atafukuzwa shule.

MUHIMU KWA WOTE

1. Kwa mawasiliano na mwanao anapokuwa shuleni tumia namba ya simu 0682 164089-(Daniel Temu).
2. Mzazi/Mlezi wa mwanafunzi unaruhusiwa kuja kumtembelea mwanao kwa siku itakayopangwa na uongozi wa shule ambayo itakuwa ni mara moja kwa muhula mzima. Tafadhali usije na vyakula vya aina yoyote kama vile chips, maji, juisi n.k. **Muda ni kuanzia saa 2 asubuhi hadi saa 8 mchana.**

3. Ni muhimu kumpatia mwanao fedha za kujikimu au fedha za matumizi binafsi kama matibabu na dharura nyinginezo awapo shuleni pamoja na nauli. Kumbuka hudhurio moja tu la kumwona daktari pale anapokuwa mgonjwa siyo chini ya Tshs.5,000/= bila dawa, Kama mwanao anayo kadi ya Bima ya Afya tafadhali aje nayo kwa unafuu wa matibabu yake akiwa shuleni.
4. Mwanafunzi ambaye hana bima ya afya ya (CHF & NHIF) mzazi/mlezi uje na shilingi elfu 6,000/= kwa ajili ya kukatiwa bima ya CHF katika kituo cha afya.

SHERIA ZA SHULE

Tabia njema (Heshima/Utii/Adabu/Nidhamu/Ustaarabu/) ni ya lazima na inatiliwa mkazo hapa shuleni. Mwanafunzi mwenye tabia mbaya anaweza kukosa Elimu ya Sekondari au hata Elimu ya juu. Kila mwanafunzi anapaswa kufuata sheria/taratibu/kanuni zote za shule pia kuwatii Walimu, Watumishi wasio Walimu, kuheshimiana na wanafunzi wenzake pamoja na watu wengine.

A: SHERIA ZA JUMLA.

1. Hairuhusiwi kunywa pombe au kuvuta sigara/kiko au kutumia madawa ya kulevya ya aina yoyote ile.
2. Hairuhusiwi kuwa na mahusiano ya kimapenzi kati ya wanafunzi au mtu yeyote.
3. Mwanafunzi haruhusiwi kutoka nje ya eneo la shule bila ruhusa kutoka kwa Mwalimu wa zamu. Aidha Mtumishi yeyote wa shule akikuona mtaani/mjini au mahali popote ana haki ya kukutaka uonyeshe ruhusa.
4. Ruhusa ya kulala nje ya shule kwa sababu maalum itatolewa na Mkuu wa Shule au Makamu wake tu.
5. Kila mwanafunzi lazima aheshimu kazi za mikono zitakazotolewa kulingana na utaratibu uliotolewa
6. Matusi ya aina yoyote ya kuandika au kutamka au kutumia ishara hayaruhusiwi.
7. Mwanafunzi unapaswa kujali na kutunza mali zako/shule/mtu yeyote, kwa mfano kutunza taa za umeme, miundo mbinu ya maji, kuepuka kuchora kwenye kuta, kwani uharibifu wowote utakaojitokeza kwa uzembe wa mwanafunzi utagharamiwa na mwanafunzi mwenyewe.
8. Sare za shule(uniforms) lazima zivaliwe wakati wa masomo na wakati wa kuruhusiwa kutoka nje ya shule.
9. Kila mwanafunzi ajiepushe na vitendo vya wizi wa mali za wanafunzi wenzake/mali za shule/mtu yeyote.
10. Kila mwanafunzi azingatie usafi wa mwili, mavazi, madarasa, mabweni, ukumbi wa chakula, na usafi wa maeneo ya shule kulingana na mgawanyo uliopangwa.
11. Kila mwanafunzi ajiepushe na vitendo vya ugomvi wa maneno au kupigana,
12. Hairuhusiwi kuchelewa kufika shuleni wakati wa ukaguzi au kutoka likizo. Aidha mwanafunzi kama uliruhusiwa kwenda mjini au mtaani ni lazima kuzingatia muda wa kurudi ulioandikiwa kwenye ruhusa na ruhusa hiyo lazima irudishwe sehemu husika.
13. Mwanafunzi ni lazima kuonyesha tabia njema ukiwa ndani na nje ya shule kwani shule ina haki ya kukuadhibu ikiwa utaonyesha utovu wa nidhamu katika mazingira ya aina yoyote
14. Magazeti au picha zisizofaa hazitakiwi shuleni pia hairuhusiwi kuandika/kuchora ubaoni/ukutani.
15. Kila mwanafunzi anapaswa kuwa na tabia njema dhidi ya wanafunzi wenzake na watu wengine.
16. Mwanafunzi haruhusiwi kwenda kwenye nyumba ya Mtumishi yeyote bila ruhusa.
17. Hairuhusiwi kutumia bwenini vyombo vya umeme kama vile Pasi/Heater/Birika/Redio/Simu ua kufanya ufundi wa aina yoyote ile kwenye miundo mbinu ya umeme (bwenini au darasani).
18. Hairuhusiwi kuvaa kofia labda kuwe na sababu maalum zilizohibitishwa na daktari.
19. Kila mwanafunzi kwa vyovyote vile ni lazima kuhudhuria vipindi vya dini kulingana na Dini yake.
20. Kila mwanafunzi anapaswa kutii wito wa kengele kulingana na utaratibu wa shule
21. Ikiwa kuna sababu maalum ya mwanafunzi kuandika barua kwa idara moja wapo hapa shuleni, ni lazima barua hiyo aandikiwe kwa Mkuu wa shule kupitia idara husika.
22. Kila mwanafunzi ni lazima awe na utii kwa Walimu na Watumishi wasio walimu au Wakuu wengine kwani ubishi na ujeuri wa aina yoyote hauruhusiwi kabisa.
23. Kosa la kufeli mitihani litapelekea mwanafunzi kuondolewa shuleni.

A: SHERIA ZA DARASANI

1. Darasani ni mahali pa kujifunzia, kelele za aina yoyote haziruhusiwi. Kila mwanafunzi anatakiwa kukaa kwa kufuata utaratibu uliowekwa na mwalimu wa darasa
2. Mahudhurio darasani ni lazima kwa kila mwanafunzi wakati wa vipindi na muda mwingine wa kujisomea ambao umepangwa na shule. Mwanafunzi mtoro atafukuzwa shule.
3. Mwanafunzi haruhusiwi kukaa kwenye meza au kiti cha mwalimu
4. Kila mwanafunzi ni lazima afanye usafi wa darasa kulingana na ratiba iliyopo.
5. Hairuhusiwi kufanya kikao chochote darasani bila ya ruhusa ya mwalimu wa darasa au mamlaka nyingine.

C: SHERIA ZA BWENINI

1. Bwenini ni mahali pa kulala na si mahali pa kupiga kelele. Mazungumzo ya bwenini yawe ya maana na siyo matusi au lugha mbaya.
2. Haitakiwi kuwasha moto bwenini, Usafi wa bwenini ni wajibu wa kila mwanafunzi anaeyeishi bweni husika.
3. Hairuhusiwi kufanya vikao vya aina yoyote ile kwenye mabweni bila ruhusa ya mwalimu mlezi wa bweni.

D. SHERIA ZA UKUMBI WA CHAKULA.

1. Kila mwanafunzi afuate utaratibu uliowekwa wa matumizi ya ukumbi wa chakula
Kwa mfano; i) Mpango wa usafi wa ukumbi wa chakula ii) Mpango wa kukaa wa ukumbi wa chakula
2. Wakati wa chakula kelele hazitakiwi na hairuhusiwi kuja na viatu vya kuogea (slippers)
3. Kila mwanafunzi anatakiwa awe na tabia nzuri ya mezani, umwagaji hovyo wa chakula haitakiwi.
4. Usafi lazima ufanywe mara baada ya kifungua kinywa, baada ya mlo wa mchana na mlo wa jioni.
5. Usafi wa ukumbi wa chakula ni wajibu wa wanafunzi wote.
6. Mwanafunzi hatakiwi kuingia jikoni bila ruhusa.

E. UTARATIBU WA ADHABU.


1. Mwanafunzi yeyote anayepewa adhabu lazima aifanye, ujeuri au ubishi wa aina yoyote utasababisha kuongezwa kwa adhabu hiyo. Kosa la kugomea adhabu linahesabiwa kuwa ni utovu wa nidhamu.
2. Mwalimu/Walimu watamwadhibu mwanafunzi yeyote anayekiuka sheria/taratibu/kanuni za shule au sheria/taratibu/kanuni zitakazokuwa zimewekwa na mwalimu wa zamu/mwalimu wa darasa/mwalimu mlezi wa bweni/mwalimu wa maeneo ya usafi wa mwalimu yeyote.
3. Mwanafunzi atapewa adhabu kulingana na kosa alilolifanya.
4. Mkuu wa shule anaweza kutoa adhabu kwa makosa makubwa kwa kumwadhibu mkosaji/kumsimamisha masomo kwa muda au kwa kupitia Bodi ya shule mwanafunzi anafukuzwa shule.

F. TAHADHARI KWA WANAFUNZI WOTE.

Makosa yatakayosababisha mwanafunzi kufukuzwa shule.

- i. Wizi
- ii. Kutohudhuria masomo bila taaifa/utoro
- iii. Kugoma na kuhamasisha mgomo.
- iv. Kutoa lugha chafu matusi kwa wanafunzi wenzake, walimu/walezi na jamii kwa ujumla.
- v. Kupigana mwanafunzi kwa mwanafunzi, kumpiga mwalimu au na mtu yeyote yule.
- vi. Wanafunzi wote wanatakiwa kuwa na nywele fupi wakati wote wawapo shuleni.
(wasichana hawaruhusiwi kusuka/kuweka dawa)
- vii. Kufuga ndevu.
- viii. Ulevi au unywaji wa pombe na matumizi ya madawa ya kulevyo.
- ix. Uvutaji wa sigara, bangi.
- x. Uasherati, uhusiano wa kimapenzi(wa aina yoyote ile), kuo au kuolewa.
- xi. Kusababisha mimba, kupata mimba au kutoa mimba.
- xii. Kushiriki matendo ya uhalifu, siasa na matendo yoyote yale yanayovunja sheria za nchi.
- xiii. Uharibifu wa mali ya Umma kwa makusudi.
- xiv. Kutembelea majumba ya starehe, nyumba za kulala wageni, pamoja na nyumba za watumishi.

- xv. Kumiliki, kukutwa au kutumia simu ya mkononi katika mazingira ya shule.
- xvi. Kudharau Bendera ya Taifa.
- xvii. Kufanya jaribio lolote la kujiua, au kutishia kujiua kama kunywa sumu n.k
- xviii. Udanganyifu wa mitihani ya ndani pamoja na kufeli mitihani.
- xix. Kubadili dini/dhehebu awapo shuleni pasipo kibali cha mzazi/mlezi.v



SEHEMU HII IJAZWE NA MWANAFUNZI MWENYEWWE KWA HERUFI KUBWA

1. (i) Jina la Mwanafunzi
 NB: Jina liwe lile lililotumika katika mtihani wa Taifa darasa la saba.
 (ii) Jina la Shule uliyomaliza elimu ya msingi
 (iii) Tarehe ya kuzaliwa kijiji kata
 Tarafa Wilaya Mkoa
2. **AFYA:**
 (i) Taja magonjwa yoyote makubwa uliyowahi kuugua kama vile TB, POLIO, KIFAPA, UKIMWI n.k.....
 (ii) Taja matatizo yoyote ya afya yako
3. **JINA LA MZAZI**
 (i) Baba Hai/amefariki lini
 (ii) Mama Hai/amefariki lini
4. **KAZI YA:**
 (i) Baba Dini dhehebu
 (ii) Mama Dini dhehebu
 (iii) Anwani ya mzazi/mlezi
 (iv) Mwanafunzi anaishi na (weka alama V sehemu iliyo sahihi)
 (a) Baba tu [] (b) Mama tu [] (c) Wazazi wote wawili [] (d) Mlezi []
5. **MZAZI/MLEZI/TAASISI ITAKAYOGHARAMIKIA MAHITAJI YA SHULE:**
 (i) Jina
 (ii) Kazi yake ni
 (iii) Anuani ya mzazi/mlezi.....
 (iv) Namba yake ya simu
 (v) Uhusiano wake..... Mf. Baba, Mama, Dada, Mjomba n.k.
 (vi) Dini yake Dhehebu

NB: Taja ndugu watatu ambao wanaweza kutoa msaada kwa haraka na picha (passport) zao kwenye ukurasa wa kwanza wa form hii na passport moja ya mwanafunzi.

SN	JINA LA MZAZI/MLEZI	KAZI YAKE	UHUSIANO	NAMBA YA SIMU
1.				
2.				
3.				

6. UTHIBITISHO WA MWANAFUNZI:

MimiKidato cha Nimezisoma na kuzielewa sheria/taratibu/kanuni zote za shule na hivyo ninakubali kujiunga na Shule ya Sekondari Longido na ninaahidi kuwa nitafuata sheria/taratibu/kanuni zote za shule ili nitimize lengo la kuja shule kwa manufaa yangu, familia, jamii na taifa kwa ujumla. Endapo nitakwenda kinyume na sheria/taratibu /kanuni za shule nitakubali kuadhibiwa/kufukuzwa shule.

Saini ya Mwanafunzi Tarehe

7. SEHEMU HII IJAZWE NA MZAZI/MLEZI/TAASISI HUSIKA.

Mimi.....ambaye ninathibitisha kuwa taarifa hizo hapo juu ni sahihi. Nimezisoma na kuzielewa sheria/taratibu/kanuni zote za shule na ninakubali mwanangu apewe adhabu/afukuzwe shule ikiwa atakiuka sheria/taratibu/kanuni za shule. Ninaahidi kushirikiana na Uongozi wa shule na Watumishi wote kuhakikisha mwanangu anakuwa na Nidhamu na Juhudi katika masomo, nitagharamia mahitaji yake ya shule ili kumjengea mazingira mazuri ya kusoma katika kipindi chote atakachokuwa shuleni.

Saini ya Mzazi/Mlezi Tarehe

NB: Kama mwanafunzi/mwanao ana Bima ya afya aje nayo shuleni

MEDICAL EXAMINATION FORM

(To be completed by a Medical Officer in respect of both Form I and V entrants)

Student's Full Name

Blood count(*red and white*)

Stool Examination

Urinalysis

Syphilis test

TB test

Eye test

Ears

Chest

Pregnancy test (*for girls*)

Abdomen

Spleen

Additional information, for example Physical defects, infections, chronic or family disease etc.
.....
.....
.....

I certify that the student mentioned above is Normal/Bear attention to him/her for pursuing further studies.

Designation

Station

Signature and Official stamp

Date